

სამოსამართლო გამოცდილების არმქონე მოსამართლეობის კანდიდატის შეფასების ფორმა

მოსამართლეობის კანდიდატის ნინო ჩინჩალაძის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით			
მოსამართლეობის კანდიდატი არ აკმაყოფილებს კეთილსინდისიერების კრიტერიუმს		<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს		<input type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით			
კრიტერიუმი	მიღებული ჭულა	მაქსიმალური ჭულა	
სამართლის ნორმების ცოდნა	24	25	
სამართლებრივი დასაბუთების უნარი და კომპეტენცია	24	25	
წერისა და ზეპირი კომუნიკაციის უნარი	19	20	
პროფესიული თვისებები	14	15	
აკადემიური მიღწევები და პროფესიული წვრთნა	7	10	
პროფესიული აქტივობა	5	5	
ჯულათა ჯამი	93	100	

გიორგი გზობავა

თარიღი : 16.09.2024



## საქართველოს იუსტიციის უმაღლესი საბჭოს წევრი

### გიორგი გზობავა

„16“ სექტემბერი, 2024 წელი

თბილისი

საქართველოს იუსტიციის უმაღლესი საბჭოს წევრმა გიორგი გზობავამ, მივიღე რა მონაწილეობა იუსტიციის უმაღლესი საბჭოს 2024 წლის 22 ივლისის №1/74 განკარგულებით დაწყებულ, საქართველოს სააპელაციო სასამართლოებისა და თბილისის საქალაქო სასამართლოში მოსამართლეობის კანდიდატთა შერჩევის პროცედურაში, „საერთო სასამართლოების შესახებ“ საქართველოს ორგანული კანონის მოთხოვნათა შესაბამისად, მოვახდინე კონკურსში მონაწილე კანდიდატის - ნინო ჩინჩალაძის

### შეფასება

#### 1. შეფასების პროცედურის შესახებ:

- საქართველოს იუსტიციის უმაღლესი საბჭოს 2024 წლის 22 ივლისის №1/74 განკარგულებით, ჩატარდა საქართველოს სააპელაციო სასამართლოებისა და თბილისის საქალაქო სასამართლოში მოსამართლეთა 18 ვაკანტურ თანამდებობაზე განწესების მსურველ კანდიდატთა შერჩევის პროცედურა.
- იუსტიციის უმაღლესი საბჭოს 2024 წლის 15 აგვისტოს №1/81 განკარგულების შესაბამისად, მოსამართლეობის კანდიდატების შერჩევის პროცედურაში მონაწილეობის მიღების მიზნით დარეგისტრირდა ნინო ჩინჩალაძე.
- იუსტიციის უმაღლესი საბჭოს შესაბამისმა სამსახურმა, „საერთო სასამართლოების შესახებ“ საქართველოს ორგანული კანონის 34<sup>2</sup> მუხლით დადგენილი წესით, მოიპოვა და წარმოუდგინა საბჭოს ინფორმაცია შესაბამისი კანდიდატის შესახებ, რომელსაც გავეცანი დეტალურად.
- „საერთო სასამართლოების შესახებ“ საქართველოს ორგანული კანონის 34<sup>1</sup> მუხლის მე-8 და მე-10 პუნქტებით დადგენილი წესით, იუსტიციის უმაღლესი საბჭოს მიერ 2024 წლის 4 სექტემბერს, ჩემი მონაწილეობით, ჩატარდა კანდიდატის - ნინო ჩინჩალაძის საჯარო მოსმენა.
- საჯარო მოსმენის დასრულების შემდეგ, „ორგანული კანონის“ 34<sup>1</sup> მუხლის მე-11 პუნქტით დადგენილი წესით, „კანდიდატი“, როგორც სამოსამართლო გამოცდილების არმქონე კანდიდატი, შევაფასე - „ორგანული კანონის“ 35<sup>1</sup> მუხლის მე-15-მე-16 პუნქტების შესაბამისად.

#### 1. კანდიდატის შეფასება კეთილსინდისირების კრიტერიუმის მიხედვით

კანდიდატი ნინო ჩინჩალაძე არის შრომისმოყვარე, კეთილსინდისიერი, პუნქტუალური, გაწონასწორებული, თავაზიანი, დინჯი, კორექტული და მეგობრულ პიროვნება. მას სწორად აქვს გაანალიზებული მისთვის დაკისრებული პასუხისმგებლობა და ფინანსურ ვალდებულებებს (ქონებრივი დეკლარაციის შევსება, ბანკის ან სხვა ვალის გადახდა, საგზაო მოძრაობის წესების დარღვევისათვის ჯარიმის გადახდა და სხვ.) ასრულებს ჯეროვნად. ამასთან, კანდიდატის პირად თვისებებს და პროფესიულ საქმიანობას - გამოკითხული რეკომენდატორები და მასთან სამსახურებრივ თუ პირად ურთიერთობაში მყოფი პირები აფასებენ დადებითად.

წარმოდგენილი მასალებიდან ირკვევა, რომ ბოლო სამი წლის განმავლობაში, ნინო ჩინჩალაძეს უფიქსირდება საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევის 6 ფაქტი, დაკისრებული სანქციები (ჯარიმები) გადახდილია დროულად.

შესწავლილი დოკუმენტაციის შესაბამისად, არ იკვეთება რაიმე სახის შეუსაბამობა ან წინააღმდეგობა კანდიდატის ქონებრივ მდგომარეობას, მის შემოსავლებს და ვალდებულებებს შორის, რამაც შეიძლება გამოიწვიოს წინააღმდეგობა მოსამართლეობის კანდიდატის ინტერესებსა და მართლმსაჯულების ინტერესებს შორის.

**დასკვნა:** ზემოთ აღნიშნულიდან გამომდინარე, ვინაიდან კანდიდატი აკმაყოფილებს „საერთო სასამართლოების შესახებ“ ორგანული კანონით განსაზღვრულ ყველა კრიტერიუმს, მიმართ რომ წარმოდგენილი კანდიდატი - ნინო ჩინჩალაძე **სრულად აკმაყოფილებს კეთილსინდისიერების კრიტერიუმს.**

## **2. კანდიდატის შეფასება კომპეტენტურობის კრიტერიუმის მიხედვით**

### **2.1. სამართლის ნორმების ცოდნა**

ნინო ჩინჩალაძე არის იუსტიციის უმაღლესი სკოლის XVII ჯგუფის მსმენელი:

- მოსამართლის საკვალიფიკაციო გამოცდაში მიღებული ქულებია - 77/15.
- რიგითი ნომერი ჯგუფის საკვალიფიკაციო სიაში - 5.

დამოუკიდებელი საბჭოს შეფასებით, ადმინისტრაციულ სამართალში ნინო ჩინჩალაძე კარგად ფლობს თეორიულ ცოდნას, იგი იცნობს მოქმედი კანონმდებლობის მნიშვნელოვან დებულებებს, უზენაესი სასამართლოს პრაქტიკას. თეორიულ ცოდნას სათანადოდ იყენებს პრაქტიკაში. სისხლის სამართალში კანდიდატმა სემინარული მუშაობისას გამოავლინა მატერიალური და საპროცესო კანონმდებლობის ცოდნის მაღალი დონე, კარგად იცნობს სასამართლო პრაქტიკას, ასევე კარგად იყენებს გადაწყვეტილებების დასაბუთების სტანდარტებს და გააჩნია სასამართლო პროცესის წარმართვის სათანადო უნარ-ჩვევები. მის მიერ მომზადებული გადაწყვეტილებების პროექტები წერილობით ზუსტად და თანმიმდევრულად არის ჩამოყალიბებული. რეკომენდირებულია მან იმუშაოს დროის მართვისა და კონცენტრაციის უნარების მეტად განვითარებაზე. მისი თეორიული ცოდნა და პრაქტიკული გამოცდილება, პიროვნული თვისებები და უნარები სრულ შესაბამისობაშია სამომავლოდ სისხლის სამართლის სფეროში სამოსამართლო საქმიანობის განხორციელებასთან. ნინო

ჩინჩალაძე სამოქალაქო სამართალში მაღალ დონეზე ფლობს მრავალმხრივ თეორიულ (პროფესიულ) ცოდნას. კარგად შეუძლია თეოროიული ცოდნის პრაქტიკაში გამოყენება, რაც ხშირად ვლინდებოდა მის მიერ პრაქტიკული დავალებების შესრულებისას, რომელსაც ყოველთვის დიდი გულისხმიერებით და მონდომებით ასრულებდა.

**ნინო ჩინჩალაძესთან** გამართული საჯარო მოსმენის შედეგად, შესაძლებელია დავასკვნათ, რომ იგი კარგად ფლობს სისხლის სამართლის მიმართულებით მატერიალურ და საპროცესო კანონმდებლობას. საჯარო მოსმენის შედეგად ნათელი გახდა, რომ იგი იცნობს სისხლის სამართლის, ასევე საერთაშორისო სამართლის სფეროს, საპროცესო კანონმდებლობას, საქართველოს კონსტიტუციას და კანონმდებლობაში განხორციელებულ ცვლილებებს.

**დასკვნა:** კომპეტენტურობის კრიტერიუმით (სამართლის ნორმების ცოდნა) შეფასებისას მიმართ, რომ **ნინო ჩინჩალაძე** უნდა შეფასდეს 24 ქულით (მაქსიმალური ქულა 25)

## **2.2. სამართლებრივი დასაბუთების უნარი და კომპეტენცია**

სამართლებრივი დასაბუთების უნარისა და კომპეტენციის მახასიათებლით შეფასებისას უნდა ითქვას, რომ კანდიდატს აქვს სასამართლო სისტემაში მუშაობის 14 წლიანი გამოცდილება და გამოკითხული რეკომენდატორებისა და მასთან სამსახურეობრივ თუ პირად ურთიერთობაში მყოფი პირების მიერ შევსებული კითხვარებიდან და რეკომენდაციებიდან გამომდინარე, კანდიდატს აქვს კარგი ანალიტიკური აზროვნების და მაღალი სამართლებრივი დასაბუთების უნარი.

კანდიდატს შეუძლია მარტივად და გასაგებად განმარტოს კანონები და კომპეტენტურად ისაუბროს სამართლის არაერთი სფეროს ირგვლივ. საჯარო მოსმენაზე დასმულ შეკითხვებს ძირითადად პასუხობდა სწორად, გასაგებად და საგნობრივად.

**დასკვნა:** სამართლებრივი დასაბუთების და კომპეტენციის კრიტერიუმით შეფასებისას მიმართ, რომ **ნინო ჩინჩალაძე** უნდა შეფასდეს 24 ქულით (მაქსიმალური ქულა 25).

## **2.3. წერისა და ზეპირი კომუნიკაციის უნარი**

**ნინო ჩინჩალაძე** საუბრისას გამოირჩევა აკადემიურობით, აქვს უნარი მოუსმინოს სხვის აზრს მშვიდად და გასცეს დამაჯერებელი პასუხები, კანდიდატი საჯარო მოსმენაზე იყო საკმაოდ მობილიზებული, ნათლად, გასაგებად და არგუმენტირებულად გადმოსცემდა საკუთარ შეხედულებებს.

კანდიდატს არ წარმოუდგენია სამართლებრივი პუბლიკაცია ან ნაშრომი. იუსტიციის უმაღლესი სკოლის დამოუკიდებელი საბჭოს შეფასებით, კანდიდატს შესწევს უნარი საქმის რთული გარემოებები და სამართლებრივი მსჯელობა გასაგები ენით გადმოსცეს და მნიშვნელოვანზე გაამახვილოს ყურადღება. მის მიერ მომზადებული გადაწყვეტილების/საპროცესო დოკუმენტების პროექტების მოწონება შეიძლებოდა და ისინი მხოლოდ უმნიშვნელო კორექტირებას საჭიროებდა.

**დასკვნა:** წერისა და ზეპირი კომუნიკაციის უნარის კრიტერიუმით შეფასებისას მიმართ, რომ ნინო ჩინჩალაძე უნდა შეფასდეს 19 ქულით (მაქსიმალური ქულა 20)

#### **2.4. პროფესიული თვისებები**

რეკომენდატორებისა და მასთან სამსახურეობრივი თუ პირად ურთიერთობაში მყოფი პირების მიერ შევსებული კითხვარებიდან გამომდინარე, კანდიდატი გამოირჩევა საქმისადმი ერთგულებით, შეუძლია რაციონალურად გამოიყენოს სამუშაო დრო, არის პუნქტუალური, მიზანდასახული, შრომისმოყვარე, ამასთან, ადვილად უმკლავდება სტრუქტურულ სიტუაციებს.

**დასკვნა:** პროფესიული თვისებების კრიტერიუმით შეფასებისას მიმართ, რომ ნინო ჩინჩალაძე უნდა შეფასდეს 14 ქულით (მაქსიმალური ქულა 15)

#### **2.5. აკადემიური მიღწევები და პროფესიული წვრთნა**

ნინო ჩინჩალაძეს აქვს თვითგანვითარებისკენ სწრაფვა, ახალი ცოდნისა და უნარების შეძენის ინტერესი, მიღებულ ცოდნასა და უნარებს წარმატებით იყენებს პრაქტიკულ საქმიანობაში.

#### **კანდიდატი არ ეწევა პედაგოგურ საქმიანობას**

მოსამართლის საკვალიფიკაციო გამოცდა:

- კანდიდატმა 2022 წელს ჩააბარა მოსამართლეობის საკვალიფიკაციო გამოცდა, სისხლის სამართლის სპეციალიზაციაში;
- ჩაბარებული აქვს პროფესიული მუშაკთა საკვალიფიკაციო გამოცდა, ასევე, ადვოკატთა საკვალიფიკაციო გამოცდა, საერთო სპეციალიზაციით.

**დასკვნა:** აკადემიური მიღწევების და პროფესიული წვრთნის კრიტერიუმით შეფასებისას მიმართ, რომ ნინო ჩინჩალაძე უნდა შეფასდეს 7 ქულით (მაქსიმალური ქულა 10)

#### **2.6. პროფესიული აქტივობა**

მოცემული კრიტერიუმებით ნინო ჩინჩალაძის შეფასებისას, ადსანიშნავია, რომ აქვს ინიციატივის გამოჩენის უნარი, შეუძლია იდეებისა და წინადადებების წამოყენება. ახალი ცოდნის შეძენისა და მისი პრაქტიკაში გამოყენების მიზნით იგი აქტიურად იღებს მონაწილეობას სხვადასხვა ტრენინგსა და სასწავლო კურსში, კერძოდ:

- ქალთა მიმართ ძალადობა და ოჯახში ძალადობა - UN Women - იუსტიციის უმაღლესი სკოლა, 2018 წელი;
- სიძულვილის მოტივით ჩადენილი დანაშაული - CoE - იუსტიციის უმაღლესი სკოლა, 2019 წელი;
- სამართლებრივი მართლწერა - DOJ - იუსტიციის უმაღლესი სკოლა, 2019 წელი;
- ტრენინგი დისკრიმინაციის მიმართულების სტატისტიკის ანალიზის ფორმების შევსების შესახებ - CoE - იუსტიციის უმაღლესი სკოლა, 2019 წელი და სხვა.

**დასკვნა:** პროფესიული აქტივობის კრიტერიუმით შეფასებისას მიმართ, რომ ნინო ჩინჩალაძე უნდა შეფასდეს 5 ქულით (მაქსიმალური ქულა 5)

ყოველივე ზემოთ აღნიშნულიდან გამომდინარე, მიმაჩნია, რომ კანდიდატი ნინო ჩინჩალაძე  
სრულად აკმაყოფილებს “საერთო სასამართლოების შესახებ” საქართველოს ორგანული  
კანონით დადგენილ კეთილსინდისიერებისა და კომპეტენტურობის კრიტერიუმებს, მისი  
შეფასების შედეგად, საერთო ქულათა რაოდენობამ შეადგინა 93 (ოთხმოცდა ცამეტი) ქულა.

გიორგი გზობავა  
იუსტიციის უმაღლესი სამქოს წევრი

